

## V

(Fógairtí)

NÓSANNA IMEACHTA A BHAINNEANN LEIS AN mBEARTAS IOMAÍOCHTA A  
CHUR CHUN FEIDHME

## AN COIMISIÚN EORPACH

## Réamhfhógra faoi chomhchruinniú

(Cás M.10821 — YOKOHAMA RUBBER CO / TRELLEBORG WHEEL SYSTEMS HOLDING)

(Téacs atá ábhartha maidir le LEE)

(2023/C 72/09)

1. An 17 Feabhra 2023, fuair an Coimisiún fógra maidir le comhchruinniú atá beartaithe de bhun Airteagal 4 de Rialachán (CE) Uimh. 139/2004 ón gComhairle <sup>(1)</sup>.

Is leis na gnóthais seo a leanas a bhaineann an fógra sin:

- Yokohama Rubber Co., Ltd (“YRC”, an tSeapáin)
- Trelleborg Wheel Systems Holding AB (“TWS”, an tSualainn)

Gheobhaidh YRC rialú ar TWS ina iomláine de réir bhrí Airteagal 3(1)(b) den Rialachán um Chumaisc.

Baintear an comhchruinniú amach trí bhíthin ceannach scaireanna.

2. Is iad seo a leanas gníomhaíochtaí gnó na ngnóthas lena mbaineann:

- Tá YRC gníomhach i monarú agus i ndíol bonn, lena n-áirítear boinn eisbhóthair le haghaidh feithiclí éagsúla, lena n-áirítear feithiclí talmhaíochta agus neamhthalmhaíochta (i.e. feithiclí tionsclaíocha agus tógála). Tá sé gníomhach freisin i monarú agus i ndíol táirgí eile atá bunaithe ar rubar,
- Tá TWS gníomhach i monarú agus i ndíol bonn, lena n-áirítear boinn eisbhóthair le haghaidh feithiclí éagsúla, lena n-áirítear feithiclí talmhaíochta agus neamhthalmhaíochta (i.e. feithiclí tionsclaíocha agus tógála). Tá TWS gníomhach freisin sa mhargadh seirbhísí athsholáthair agus iardhíola, trína fhochuideachta ar lánúinéireacht, Interfit.

3. Tar éis réamhscrúdú a dhéanamh, is é cinneadh an Choimisiúin go bhféadfadh an t-idirbheart faoinar tugadh fógra a bheith faoi raon feidhme an Rialacháin um Chumaisc. Ach forchoimeádtar an cinneadh críochnaitheach maidir leis sin.

4. Iarrann an Coimisiún ar thríú páirtithe leasmhara aon bharúil a bheadh acu maidir leis an oibríocht atá beartaithe a chur faoi bhráid an Choimisiúin.

Ní mór na barúlacha a bheith faighte ag an gCoimisiún tráth nach déanaí ná 10 lá tar éis dháta foilsithe an fhoilseacháin seo. Ba cheart an tagairt seo a leanas a lua i gcónaí:

M.10821 – YOKOHAMA RUBBER CO / TRELLEBORG WHEEL SYSTEMS HOLDING

(<sup>1</sup>) IO L 24, 29.1.2004, lch. 1 (an “Rialachán um Chumaisc”).

Is féidir barúlacha a sheoladh chuig an gCoimisiún le ríomhphost, le facs nó tríd an bpost. Baintear úsáid as na sonraí teagmhála:

R-phost: COMP-MERGER-REGISTRY@ec.europa.eu

Seoladh poist:

European Commission  
Directorate-General for Competition  
Merger Registry  
1049 Bruxelles/Brussel  
BELGIQUE/BELGIË

---